

17°. Երիցավանքն Ս. Աստուածածնի առ դրան Դաւթի . այժմ 'ի ձեռս Արարացոց :

18°. Սրբոց Ղեռնդեանց վանքն :

19°. Կրտի վանքն՝ շինեալ 'ի Չորրորդապետէն Հայոց 'ի կողմն յարեւելոց :

20°. Անճեազեաց վանքն՝ որ յանուն Ս. Անանիայ մերձ 'ի Բեթղեհէմ :

Չայս աեղի դնեն ոմանք մերձ 'ի ջրհորս Դաւթի , որ այժմ միացեալ է ընդ քաղաքին . եւ թէ երեւեալ իցէ նշմարանք հնութեան , եւ գիւղականք ծածկեալ են զայն . իսկ մեք հաւանական կարծեօք զնեմք մերձ ազարակին Պարս Տէր Կոչեւալ այգւոյ աեղոյն , ուր էին աւերակք շինուածոց , եւ անդ գտաւ բեկորք աւազանի , 'ի վերայ որոց էր Հայկական տառքս գրեալ իբր 13° դարու , այսպէս « Տար . . . » :

21°. Արշակունեաց վանքն , 'ի Ս. Պրոսպարիէի կողմն է :

Առ Պրոսպարիէիւ տեսանի հոյակապ եւ դմբեթարդ եկեղեցին յանուն Յովակիմայ եւ Աննայի եւ աեղի ծննդեան ամենօրհնեալ Կուսին : Սալահատտին կարգեալ էր զայն դպրոց այլազգեաց . ձեւ եկեղեցւոյն է նման եկեղեցեացն Հայոց երեք խորանաւ , եւ երկաթի օղակք վարադուրին Աւագ սեղանոյ կային տակաւին ցմեր ժամանակս 'ի գլուխ սեանց . եւ պատկեր Աւետեաց դարձեալ 'ի սիւնսն յաջմէ եւ յահեկէ եղծեալ , զոր բարձին Լատինք 'ի տիրելն իւրեանց , զորմէ յետոյ :

22°. Գաղառնի վանքն , յանուն սրբոց Հռիփսիմեայ եւ Գայիանեայ , առ դրան Ս. Յարութեան :

Նախադուռն տաճարին Ս. Յարութեան էր յառաջադոյն յարեւելս 'ի ձախակողմն փողոցին , որ տանի 'ի Տաթ շահայն : Աստի քանի մի աստիճանաւ ելանէ 'ի վեր , ուր կանգնեալ կան երկու հնացեալ սիւնք առ դրան զործարանի օճառի , եւ ճանապարհն հանէ 'ի վանս Խալթոց : Հանդէպ սորա յաջակողմն փողոցին երեւին կրպակք եւ փուռ հացի՝ մնացորդք հին շինուածոյն , եւ 'ի փռան անդ տեսանի առաջին դուռն վանաց երկու սեամքք աստի եւ անտի . սակաւ ինչ յառաջ գնացեալ մտանէ 'ի ներքոյ կամարի եւ դառնայ յարեւելս , ուր է այժմեան դուռն հանդէպ տան միոյ ,